

მწყამსი



მწყამსიან კეთილმან სული
თვისი დაჰსდვის ცხოვართათვის
იოან 10—11.

№ 18

1883—1908 წ.

30 სექტემბერი

ზ ი ნ ა ა რ ს ი.

სალიტერატურო განმარტება: როგორ უნდა განაწილონ ახალი გამოსული ჯამაგირები ეკლესიის კრებულებზე? სოფლის ხუცესისა.—ქრისტიანის დამოკიდებულება დროებასთან, მღვ. ი. ლუკიანოვისა.—ხმა ბუნების წიაღიდან, ი. ბალუევისა.—მკვდრის რჩევა, მღვ. მინა მესხისა.—ახალი ამბები და შენიშვნები.

სწავლა და მცენიება ქრისტიანობაში სარწმუნოებასა და კეთილ-ზნობაზე:—წიგნი რიცხთა.

როგორ უნდა განაწილონ ახლად გამოსული ჯამაგირები ეკლესიის კრებულებზე?

ყოველნაირი ზომები იხმარეს იმისთვის, რომ გამოსული ჯამაგირები სამღვდელოებას განაწილებოდნენ კანონიერად. მაგრამ ამ გამოსული ჯამაგირების კანონიერად განაწილება დიდათ საქნელო შეიქმნა. არ მოხერხდა ეს ჯამაგირები განაწილებით ისე, რომ მომდურავი არ დარჩენილიყვნენ. მრავალნი პირნი ჩივიან, რომ ძლიერ ძვირად დაუჯდათ ამ ჯამაგირების მიღება; ზოგნი განაცხადებენ, რომ მართალია ერთი წლის ჯამაგირი შეესწირეთ მოხელეთ, მაგრამ ასე, რომ არ გვექნა სულ უჯამაგიროდ დავრჩებოდითო... სხვები კიდევ რას ამბობენ, ვინ მოსთვლის?..

განსვენებული გაბრიელ ეპისკოპოსის დროს პირველ ხანებში უფრო კანონიერად იყოფოდა ეს ჯამაგირები სამღვდელოთა შორის. ყ-დ სამღვდელო გაბრიელ ეპისკოპოსმა მოითხოვა, რომ პირველად დანიშნოდა ჯამაგირი მათ, რომელთა სამრევლოში მამრობითი სქესის ორას სულზე მეტი არ იყო. რომელ კრებულსაც უჩვენებდა ასეთს იმას აძლევდნენ. ბოლოს კანტორამ მიითვისა ამ ახალ ჯამაგირების განაწილება მღვდლებზე და მაშინ სულ აირ-დაირია საქმე. შემდეგ ეპარქიის კან-

ცლარების შეკრებილი ცნობების საფუძვლად ენიშნებოდათ ჯამაგირები, ამ დროს უარესად აირია საქმე, მიიღეს ჯამაგირები ისეთმა პირებმა, რომელთა შემოსავალი უფრო მეტი იყო სხვა კრებულების შემოსავალთან შედარებით. დიდი „საშრომის“ დაპირება ზოგიერთი ეკლესიების კრებულისაგან ერთის მხრით, და „საშრომის“ მიღების ძლიერი სურვილი მეორეს მხრით მოხელეთაგან, არის მიზეზი ამ უსამოვნო მოვლენისა. გამოსული ჯამაგირების რიგიანად განაწილებისა...

სამღვდელოების კრებზე რამდენჯერმე აღძრეს კითხვა ჯამაგირების განაწილების შესახებ, მაგრამ ერთი რიგაანი აზრი ვერ დაადგინეს. ითხოვეს რომ, რადგან დიდი უსამართლოება ხდება ამ ჯამაგირების დანიშნის შესახებ, გამოსული ჯამაგირი გაუნაწილდეს ყველა კრებულს, რომელთაც სრული ჯამაგირები არა აქვსთ დანიშნულიო. ეს აზრი სამღვდელოებისა თითქმის კანონიერია, მაგრამ თუ მივიღებთ სახეში ზოგიერთ დიდ მრევლს, სადაც დრამის ფულები იკრებება, მაშინ არ იქნება კანონიერი, რომ მართლა ყველაზე განაწილდეს. ჩვენ შევიტყვეთ რომ თხოვნა შეაქვსთ ზოგიერთ მღვდლებს, რომელთაც 300 მ. აქვსთ დანიშნული ჯამაგირად, ითხოვენ ეს ახლად გამოსული ჯამაგირები მათ დაენიშნოს და 600 მანეთად შეუსრულეს. თუ

ქ. მარტისის სახ. საქ. სსს
სახელმწიფო რ...

ეს გამართლდა ეს უმეტესი უკანონობა იქნება. დიდი მრევლისაგან ბევრს შრომის მეტი არაფერი აქვსთ. პირველი უქაზი სინოდისა აცხადებდა, რომ სანამ ყველა კრებული იმპერიისა არ მიიღებს ოთხას მანეთს ამაზე მეტი არავის მიეცემაო. შემდეგ დაწყება გადიდება ჯამაგირებისაო 600 მანეთამდე. არა გვჯერა, რომ მღვდელთ-მთავარმა 400 მ. ჯამაგირიანების კრებულის თხოვნას ჯამაგირის მომატებაზე ყურადღება მიაქციოს...

ამ წელიწადში როგორც ისმის, ოთხასი ათა სამდე არის გამოსული ჯამაგირი სამღვდლოები. სათვის. ვინ იცის რამდენს გვიწყალობებენ ჩვენი დიდებული ბატონები? სინოდსაც გაუგია თუ რა ხდება ზოგან ამ ჯამაგირების განაწილების საქმეში და გარდაუწყვეტია, რომ ეს ჯამაგირები რაც შეხვდება თითოეულ ეპარქიას პირდაპირ ეპისკოპოსებს გაუგზავნონ და თვითონ ეპისკოპოსებმა თავის შეხედულებით დაურიგონ მათ ვისაც უფრო ეჭირვება, მხოლოდ სამღვდლოების კრებას უნდა დაეკითხოს ამ ჯამაგირების გაყოფაზე. ეს არის უკანასკნელი ღონის ძიება, რომ ახალი ჯამაგირები კანონიერად გაიყოს სამღვდლოებათა შორის. არა გვჯერა, რომ ამ საშუალებით მოისპოს უკანონობა, რომელიც ხშირად მოხდება ხოლმე სამღვდლოებაში ამ ჯამაგირების განაწილების გამო. ჩვენ სულ წინაპირველად განვაცხადეთ და ეხლაც კიდევ განვიმეორებთ, რომ კანონიერი განაწილება არ მოხდება სანამ თვით უჯამაგირო კრებულნი არ გარდასწყვეტენ, თუ ვინ მიიღოს გამოსული ჯამაგირი პირველად და ვინ ბოლოს. ამისათვის საჭიროა პირველად ის შევიტყოთ თუ რამდენ კრებულს ეძლევა ჯამაგირი. ამის შემდეგ უნდა შეკრიბონ სხვა და სხვა ადგილას ეპარქიაში უჯამაგირო სამღვდლოების კრებულნი და მათ დაანიშნონ კრებულნი, რომელთაც უნდა მიიღონ ახლად გამოსული ჯამაგირი. ამით ყოველგვარი დრტვინვა, უკმაყოფილება და მასთან „საშრომის“ ხარჯიც მოსპობილი იქნება. ამ კითხვის გადაწყვეტაში თუ ჯამაგირიანმა დებუტატებმა მიიღეს მონაწილეობა ყოველთვის თავიანთ ნაცნობებისა და მონათესაეებისათვის მოინდომებენ. თვით უჯამაგირო სამღვდლოება კი მართლად მოიქცევა და მიუდგომლად. პირველი, საშუალება იქნება, ვიმეორებთ, კანონიერად ახლად გამოსული ჯამაგირების გაყოფისა

ის, რომ თვითონ უჯამაგირო სამღვდლოების კრებულთა გარდასწყვეტონ ვის მიეცეს წინდავის ბოლოს.

მაგრამ ერთი კითხვა არის გაუგებელი. სინოდის უქაზი შეეხება ალბათ რუსეთის ეპარქიის სამღვდლოებას და ჩვენში ადგილობრივი ეპისკოპოსებს, რომ ენდონ რაღაცა არა გვჯერა. შეიძლება ეს განაწილება ისევე კანტარის კეთილ შეხედულებას დაუქვემდებარონ „ჩვენებურად, ძველებურად“...

სოფლის ხუცესი.

ქრისტიანის დამოკიდებულება დროებასთან.


თავის-განწირულება მოითხოვს მხნეობას; იგი არის დიდად ძვირფასი სიკეთე?. ძნელ დროში ვინ არ მოინდომებს მიჰბაძოს წმინდა მოწამეებს და ქრისტეს, თავის უფალს?

ხშირად გვესმის ჩვენ ჩივილი ცუდ დროებაზე. ამ ჩივილს ვპოვებთ ჟურნალ-გაზეთების ფურცლებზედაც და გვესმის კერძო ლაპარაკშიაც.

განუხილველად იმისა, რომელი წყაროდგან წარმოსდგება ასეთი მსჯელობა, ან ყოველ შემთხვევაში საფუძვლინია, თუ არა ეს ჩივილი, ჩვენ თვითონ ვემატებით უკმაყოფილოთა რიცხვს; როდესაც რაიმე უკმაყოფილება შეგვემთხვევა, ან როდესაც უქონლობისა გამო ისე ხელ-გაშლილად ვეღარ გიხდება ცხოვრება, როგორც გვინდოდა; ან როდესაც მოგვატყუებს ბოროტი ადამიანი, ან როდესაც სიკეთისათვის, ნაცვლად სიკეთისა, უმადურად გვექცევიან სხვები; ან როდესაც ჩვენისავე ბრალით ჩავარდებით რაიმე უბედურობაში; — მაშინ ვნესით ვამბობთ: ცუდი დროება დადგა! ქვეყანა თან და თან ფუჭდება!

უქვევლია, ასეთ ჩივილს ექნება გავლენა ჩვენის სულის მდგომარეობაზე და ჩვენს ყოფა-ქცევაზე. რადგანაც როგორი წარმოდგენილებაც გვექნება ქვეყნიერებაზე და ხალხზე, იმის შესაფერად გვექნება ჩვენ განწყობილება იმათთან.

ამიტომ უნდა გამოსცადოს თავის თავი, თა-



ვისი შეხედულობა, უნდა ჩაუფიქრდეს დამშვიდებულს დროს: რათ ვჩივით ჩვენ ცუდ დროებაზე? მართლა ეს დრო წინანდელზე ცუდი გახდა? გვაქვს ჩვენ სამართლიანი მიზეზი უკმაყოფილებისა ქვეყნიერებით?

თუ ჩვენ გავშინჯავთ, რა აიძულებს ხალხს უკმაყოფილებას, მაშინ გავიგებთ რომ ბევრი მიზეზები აქვს ამას

ზოგი სჩივის იმაზე, რომ აღარ არის საზოგადო და კერძო კეთილმდგომარეობა; რომ ხალხი თან და თან ღარიბდება, ასე რომ საძნელო გახდა ოჯახის შენახვა და შვილების გამოზღვა.

მოხუცებულები ამობენ, რომ ძველ დროში უფრო ყველაფერი უხვად იყო და უფრო კმაყოფილი იყო ხალხი.

მართლა შეიძლება ყველა ეს ჩივილი იყვეს საფუძვლიანი, მაგრამ სამართლიანობა მოითხოვს, რომ არ გავაზვიადოთ ჩვენი უკმაყოფილება.

ჩვენი დრო არის მზგავსი ძველი დროისა, მაგრამ ჩვენა ვგრძობთ მარტო ჩვენ ტანჯვა-წვალებას, და არ ვამჩნევთ იმ ძნელ გარემოებას, რომელსაც განიცდიდნენ ჩვენი წინაპრები. ამისთვის ვამცირებთ ჩვენ დროს და ვაქებთ წარსულს. მაგრამ ისტორია გვარწმუნებს ჩვენ, რომ წინანდელი ხალხი ბევრ შემთხვევაში ჩვენზე უბედური იყო.

მართალია, ეხლანდელი გარემოება მეტად ძნელია; მაგრამ განა გაუთავებელი არის რამე ქვეყანაზე? ეგრეთვე ეხლანდელი ძნელი მდგომარეობაც აღრე თუ გვიან გაივლის, გათავდება და მის ნაცვლად დადგება მშვიდობიანობა. მაგრამ როცა ეს გარემოება გაივლის, განა ჩვენ ვიქნებით სრულიად კმაყოფილები? ნუ მოვატყუებთ ჩვენ თავს! მშვიდობიანობის დროსაც, ახალი უკმაყოფილება რამე გამოჩნდება. არავინ არ არის ბედნიერი ყოველ დროს. „კმა არს ღღისა მის სიბოროტე თავისი“ (მათ. 6, 34), ამოხს მაცხოვარი. არა ქვეყანა და დროება აუბედურებენ კაცს, არამედ თითონ კაცი აუბედურებს ქვეყანას და თავის დროებას. გონიერ და სამართლიან ქრისტიანს თვით უდიდეს უბედურებაშიაც შეუძლიან შეინარჩუნოს შეურყეველი მყუდროება. კმაყოფილი თავის ბედით, რომელიც მიაჩვენა მას ღვთის განგებამ, იგი სცდილობს თვითეთულ ღღეში გამოს-

ძებნოს რაიმე სიხარული სიკეთის მოქმედებით თავის შეძლებისა დაგვარად.

უფრო მომეტებულად საფუძვლიანად მიგვაჩინა სხვების ჩივილი ხალხის გაფუჭებაზე, ზნეობის დაცემაზე, ბიწიერების ვამრავლებაზე. ისინი სჩივიან ახალგაზობის საქციელზე, რომელიც პატიოსნებას დასცინის და გაურბის სასარგებლო მოღვაწობას, ისინი უჩივიან ბევრი იმნაირი მდიდარი ადამიანის საქციელს, რომელთაც თავის სიამოვნების მეტი აღარა ახსოვთ-რა. ისინი სჩივიან ეკლესიების დაცარიელებას და გარყენილობის სახლების ავსებას. ისინი სჩივიან კეთილი ზნე ჩვეულობის დატოვებას, თვით უბრალო საკადრისობის შეურაცხებას, როდესაც ყველაზე სამარცხვინო ბიწიერებას არქმევენ კეთილი საქმის სახელს: ალერსიანობას ჰქვიან ცხოვრების ცოდნა; გარყენილობას ჰქვიან ალერსი; მოტყუებას—კეთილ-გონიერება; მრუშობას—სისუსტე; უღრთობას—განათლება!.

მართალია, ყველა ეს ჩივილებიც საფუძვლიანია, მაგრამ ყველას არ ეკუთვნიან ისინი. ბევრია ჯერ კიდევ ხალხში ისეთი, რომელსაც ღმერთი სწამს და უყვარს არა მარტო სიტყვით, არამედ საქმითაც. ბევრია ჯერ ხალხში ისეთი, რომელსაც სძულს ბიწიერება და ისწრაფვის სიკეთისაკენ.

მართალია მიღრეკილება ბიწიერებისაკენ ყველგან გავრცელებულია; მაგრამ ეგრე იყო თავიდანვე. დავითიც სჩიოდა, რომ კეთილმსახურნი თან და თან ცოტავდებიანო. ქვეყნის დასაწყისიდან არის გართული ბრძოლა სიკეთესა და ბოროტების შუა. ჩვენ დროს აქვს თავის საკუთარი ბიწიერება, მაგრამ სხვა დროსაც ჰქონდა თავისი საკუთარი. როგორ წინააღმდეგობდნენ წინასწარმეტყველები, როგორ სამღურავს აცხადებდა თვით მაცხოვარი და მისი მოციქულები წინააღმდეგ მშინდელი დროის ბიწიერებისა! ჩვენ დროშიაც კაცობრიობის მეგობრები წინააღმდეგობიან ზნეობის გახრწნილებას.

რანაირიც უნდა იყვეს დროება, იმას აქვს ყოველთვის თავისი ცუდი და კარგი მხარე, როგორც ეს აქვს ყვეელი კაცის ჰასაკს. ჰასაკი პატარა ბავშვისა აღსავსეა სიხარულით, მაგრამ მასთან ცრემლებითაც; მოზრდილ კაცს აქვს სხვა და სხვა სიამოვნება, მაგრამ მასთან—ზრუნვა და მწუხარება,

რომელიც ბავშვობაში უცნობი იყო მისთვის; მოხუცს აქვს თავისი წყნარი სიხარული, მაგრამ თავისი სიძნელეც.

რანაირი ცუდიც უნდა იყვეს დროება, ქრისტიანმა მაინც არ უნდა დაჰკარგოს მხნეობა, რაც ცუდი იქნება და გაფუჭებული დროება, იმდენათ მომეტებულად კარგი უნდა იყვეს კაცი. ამისთვის პავლე მოციქულმა ამცნო ქრისტიანებს: „გვრძალვით უკვე, ვითარ განკრძალულად ჰხვალთ, ნუ ვითარცა უგუნურნი, არამედ ვითარცა ბრძენნი; გამოცდილით ჟამთა; რამეთუ ღლენი ბოროტნი არიან“ (ეფეს. 5, 15, 16).

გონიერობა მოითხოვს, რომ კაცი ფრთხილად იქცეოდეს ბოროტ დროში; ესე იგი, იმნაირათ მოაწყოს თავის ცხოვრება, რომ მისი დროის ბოროტებამ არ დასჯაზნოს იგი, გარყვნილობამ არ შეიპყროს იგი, და ხიფათმა არ ავნოს მას.

ამისთვის, რაც უფრო ცუდი დროა ეხლა, მით მომეტებულად გამხნევი, ქრისტიანო, რომ მტკიცედ შეხედე მას. რომელიც ბოროტ გარემოებაში ცოტათი, ან სრულიად ჰკარგავს სარწმუნოებას და მხნეობას, იგი უკვე დაღუპულია; ესეთი კაცი ვეღარ შესძლებს შეებრძოლოს უბედურობას თავის ძალით, რომელიც დაკარგული აქვს შიშით. მიანდე შენი ზრუნვა ყოვლად შემძლების განგებას, იმაზე გქონდეს შენი მტკიცე სასოება, ის არის შენი თავშესაფარი, მფარველი, შენი მშველელი. ნუ დასტოვებ სარწმუნოებას ღვთისა მიმართ, და ისიც არ დაგტოვებს შენ; და როდესაც ღმერთი შენთანაა, ვის-რა შეუძლიან?

გამხნევი! თორემ უამისოდ არ გექნება შენ არც წინადახედულობა გონიერი ადამიანისა, არც ძალა, რომ არ დააჩაგვრინო მოსულს უბედურობას. ამისთვის ნუ სჩივი დროების გაფუჭებას. ასეთი უსარგებლო ჩივილი შენც სულ მოკლეთა გზის და სხვასაც უსუსტებს მხნეობას, ისეც ისა სჯობიან, შენც გამხნევი და სხვაც გაამხნეო სანაქებო სიმტკიცეზე. ყველაზე ძნელ გარემოებებში აჩვენე სიდიადე სულისა, ამითი შენ გაამხნევი სუსტებს, რომელნიც სასოწარკვეთილებაში ჩაცვივდნენ. არ არის ისეთი ბოროტება ქვეყანაზე, რომლის ძლევაც არ შეიძლებოდეს ამაღლებულის გრძნობის ძალით.

გამხნევი! ნუ დაგავიწყდება, რომ თითონ


ღმერთი განაგებს ქვეყნიერობას; ნუ დაგავიწყდება, რომ ყველაფერი რაცა ხდება, სასარგებლო იქნება ჩვენთვის.

ვინც ამისთანა აზრებით ხვდება გაფუჭებულ დროებას, ის არის ღვთის მფარველობის ქვეშ, იმას წინ უძღვის ყოვლად-შემძლების მარჯვენა, ის არასოდეს არ დაიღუპება.

„გამოიცდილით ჟამთა, რამეთუ ღლენი ბოროტი არიან“—ამოხს წმ. მოციქული, როგორც მოციქულის დროს, აგრეთვე ეხლაც გაფუჭებული ზნეობა დასცინის კეთილ-ზნეობას; როგორც მაშინ, ისე ეხლაც, ამაყი უღარესობა მძლავრობისა ჰქენჯნის საღმრთო უფლებას ადამიანისას, მზაკვარი ბოროტება უმწიო უმანკობას, დაბალი ვერაგობა—გულ-კეთილ სულგრძელობას. როგორც წინათ, ისე ეხლაც, მომეტებული ნაწილი იმის ნაცვლად რომ მოსდრკეს წინაშე ყოვლად-შემძლების შემოქმედისა, სდრკება ამა ქვეყნის კერპების წინაშე, წინაშე ოქროსა, ვერცხლისა და ქვეყნიურის შემძლებლობისა! ჩვენ ისე კი არ უნდა მოვიქცეთ, როგორც ბევრი სხვა იქცევა, ესე იგი, პატივი ვკეთ „ბედნიერ“ ბიწიერებას და შეურაცხველ მოძულეებული სიკეთე. არა, ჩვენ უნდა გავშინჯოთ გაფუჭებულება ჩვენი თანამედროვეებისა, რომ არ გადმოვიღოთ იგი ჩვენზე, უნდა შემოვზღუდოთ ჩვენი სიკეთე კეთილგონიერებით და სიფრთხილით, რომ არ გავხდეთ მსხვერპლი გაფუჭებისა.

თუ გარყვნილობა იმარჯვებს შენს ახლოს,—მაშინ წადი შენ, შეუერთდი კეთილ ადამიანებს და მედგრად იმოქმედე წინააღმდეგ დამღუპველი მისი შედეგებისა. ამნაირად შენ შეასუსტებ შენი დროის ბოროტებას. დაამტკიცე რომ სიკეთე სჯობიან სიბოროტეს, რომ სიკეთეს ჰყავს კიდევ მომხრეები, ხოლო სიბოროტეს—მდევენელები, და რომ თავხედობა ამაოდ სცდილობს გააუპატიუროს ყოველივე წმინდა...

თუ შენს გარშემო ხდება ღვთის დავიწყება, და სიძულვილი წმინდა სარწმუნოების მიმართ ურცხვად იმაღლებს თავის თავს,—დაამტკიცე შენის მაგალითით, დაამტკიცე სხვა კეთილ ხალხთან ერთად, რომ ნამდვილი სიკეთე არ შეიძლება თვინიერ ღვთის სარწმუნოებისა, თვინიერ სასოებისა საუკუნო ცხოვრებაზე. პირველად შენ უნდა სცდილობდე მოიქცე ქრისტიანობრივი სარწმუნოების



სება

ბუნების წიაღიღვანე


გაზაფხული.

თანახმად და ამით დაამტკიცებ, რანაირ კეთილის-
მყოფელ ძალას იძლევა ეს სარწმუნოება.

ასეთია ქრისტიანი დროებასთან დამოკიდებუ-
ლობაში! რამდენათაც უნდა გამოიცვალოს დროე-
ბა,—ქრისტიანის გული ყოველთვის ერთნაირია.
და როგორც კაცი ყოველთვის ერთგული დარჩება
ღვთისა და კეთილი საქმეებისა, აგრეთვე უზენაესის
მადლი არ დასტოვებს მას. ამნაირათ მეც მოვიქ-
ცევი ამ დროში ფრთხილად, არა როგორც უგუ-
ნური, არამედ როგორც ბრძენი! შენზე ვსასოებ
მე, ღმერთო ჩემო, შესავედრებელო ჩემო, და
მფარველო ჩემო! არასოდეს არ დავეცემი სულით,
რანაირი უბედურიც უნდა გახდეს დროება, თუ
მე შექნება წმინდა გული და ღვთის სარწმუნოება,
არავითარ უბედურობას არ შეუძლიან ჩემი ძლევა.
შენ ხარ, ზეციერო მამაო, ჩემი იმედი, ჩემი საფა-
რი, ჩემი პატრონი. რანაირ საშინელ გარემოებებ-
ში გაიარა შენმა ქვეყნიურმა ცხოვრებამ, იესო,
მეგობარო ჩემის უკვდავი სულისაო! შენ, ყოვლად
წმინდას, გღვინდნენ და დაგცინოდნენ ყველაზე
მომეტებულად, შენ ხშირად არ იცოდი, სად შე-
გეფარებინა თავი, მაგრამ ყველა ამ გარემოებაში
შენ გქონდა სიმშვიდე სულისა, იმიტომ რომ გო-
ნიერი და მართალი ყოველ შემთხვევაში თავის
სულში ატარებს ზეცას. შენ იყავ გარემოცული
კოდვილი ხალხით; იმათ შენ გტანჯეს, ჯვარს-
გაცვეს, ყოვლად მართალი, მაგრამ შენ მაინც
გქონდა შენი სიმხნე, შენი სიმშვიდე სულისა.

უფალო! მეც მომეცი მხნეობა და სიმტკიცე
ამ განსაცდელ დროებაში, რომ მოგბაძო შენ,
იესო! ღმერთო! შემეწიე მე.

მღვ. იოანე ლუკიანოვი.



თუ ყურად-ვიღებთ,
არ დავიძინებთ
არც გონებითა,
არც ზნეობითა,—
ჟამნი წლისანი,
თუმც არ ხმოსანნი,
ღუმულ გვითხრობენ,
სიმატლეს ჰხმობენ

ვთქვათ, გასაფხული
მიმადლებული
თვისი მოვლენით
და მოქმედებით
რამთონ გრძობასა,
მაღალ ცნობასა,
ჩვენ წინა გვიშლის
და შეგვასწავლის?!

მცენართ ბუნებას,
მათსა არსებას,
ზამთრით შეკრულსა,
დაძინებულსა,
იგი აფხიზლებს,
წყნარად აღვიძებს,
მთლად აცხოველებს
და ასუნელებს.

ტყენი, მინდორნი,
ახლო თუ შორნი,
ხეენი და ველნი,
თვალთ უწვდენელნი,
რიცხვით მრავალნი,
ახლად აღმძრალნი,
კაცთ შეპლიმიან
და შესცინიან.

სხეულსა ვაძლობთ,
ნაზათა ვამკობთ,
ხოლო არ ეფიქრობთ
და არცა ვსაზრობთ,
რომა კაცისთვის,
ვით უკვდავისთვის,
პარველად უფრო
რა არს საჭირო?..

ღმერთისა ცნობა,
კეთილ-ზნეობა,
ამკობენ სულსა,
ხორციით მოცულსა,
ვით გაზაფხული,
ეს კურთხეული,
ამკობს ბუნებას,
გარე არსებას.

ბუნების ძილი,
ვითომ სიკვდილი,
მის გაღვიძება
და აღდგინება
ჩვენ გვარწმუნებენ,
შეგვაგონებენ,
რომ ღვთის ქმნილება
სულაც არ ჰქრება:

იგი მხოლოდა
მარად—მარადა
სახესა იცვლის,
ჩვენ წინა გვიშლის
სიტურფავესა,
თვის სინაზესა,
გვაძლევს საქმელსა,
მასთან სასმელსა.

ვენახი, ბალი,
მიწის წიაღი,
კაცის შრომითა,
მისი ოფლითა
შეკეთებულნი,
შემზადებულნი,
მას ახარებენ,
ანუგეშებენ.

ეს, ხომ, ყოველი
არს ხორციელი,
არს მიწიერი,
წუთ-ჟამიერი!..
ამ სიმართლესა,
ვით სინათლესა,
ყურს არა უგდებთ
და არცა ვეძებთ.

სული კაცისა,
ქვეყნის მეფისა,
ხორც შორებულნი,
ზენად წარსული,
ნუთუ გაჰქრება,
არ შეერთდება
თვის სხეულთანა
თან მშრომელთანა?!

კაცის ბუნება,—
ქვეყნის მშვენება,
არა გაჰქრება:
იგიც აღსდგება,
ოდეს ინათებს,
იციკროვანებს
ამ ქვეყანაზე
სიმართლისა მზე...

ამას გვაგონებს,
ამას გვაცნობებს,
ვით გაზაფხული,
სუნნლით შემკული,
ისე გონება,
მასთან შეგნება,
თუ მათ ვაძალღებთ,
არა ვადაბლებთ...

ღვთიური წესი
დიდ უმტკიცესი
აქა მოქმედებს.
ის იმორჩილებს
მთლად ბუნებასა,
ვით ქმნილებასა:
აქა სრულდება
ღვთის წმინდა ნება...

ასე, ბუნება,
გარე არსება,
დაძინებული,
დაჩუმებული,
ახლად იღვიძებს,
დიდება-მეტყველებს
თვის შემოქმედსა,
ყოველთ იმედსა.

ასეთ წესითა
ზეციერთა
მიწა ნოყიერობს
და ნაყოფიერობს;
ყოველ ცხოველსა,
მიწაზე მსვლელსა,
ჰკვებავს, ვით დედას,
თვის წიაღზედა.

ესა ყოველი
არს საკვირველი
ღვთის ძლიერება,
მის მოქმედება;
ეს არის სუფრა,
გაშლილი მაგრა
მის მარჯვენითა
კურთხეულითა.

ამას სუფრაზე
დიდ მშვენიერზე
იკვებებიან,
მარად ძლებიან
როგორცა კაცნი,
აგრეთვე მხეცნი,
ცისა მფრინველნი,
მწერნი ყოველნი.

ზაფხული.

თუ გაზაფხულით,
უფრო ზაფხულით
ბუნება ხარობს,
ღონიერ მოქმედობს:
გვიდგენს სურათსა
მეტადა ცხადსა
სიცოცხლისასა
და შრომისასა.

ოკეანე
და მდინარენი,
ტბანი და ზღვანი,
თბილად მოძრავნი,
ორთქლოვანებენ
და სწილადებენ
მიწას წვიმასა
წყნარს ჟუჟუნასა.

მიწა სველდება,
მით პოხილდება;
ყველა მცენარეს,
ტკბილსა თუ მწარეს,
ჩვენსა სწილადებს,
დედობრ აწოვებს,
ძალასა აძლევს,
ამგვარად ამხნევს.

მისი მადლისა,
სიყვარულისა,
აქ არს ტრაპეზი,
არს ასპარეზი,
სადაცა სული,
კოდვით მოკლული,
იძენს ყოველსა,
მაცოცხლებელსა.

სულის საქმელი,
მისი სასმელი,
მისი ცხოვრება,
ქეშმარიტება,
არის თვით ქრისტე,
ღმერთი მეუფე;
ამას თვით გვითხრობს,
ზეციდანა ჰხმობს:

ასე, სოფლისთვის,
ამა ხრწნადისთვის,
ღმერთი მალალი,
ზენაურ ძალი,
ესოდენ ზრუნავს,
არასა ზოგავს,
ყველასა სწყალობს,
ყველას ჰფარველობს.


შემდეგ ამისა,
ასეთ ზრუნვისა,
იგი უფალი,
უცვლელი ძალი,
ნუთუ არ ზრუნავს,
გულსა იხურავს,
კაცის სულისთვის,
ვით უკვდავისთვის?!

ჰი, რომ ზრუნავს,
გულს არ იხურავს,
ყოველად მოწყალე,
ყოფლისა შემძლე:
სულიერ სოფელს
მადლსა უკლებელს
უხვად იგი ჰფენს,
როგორც თვით გვასმენს.

ზაფხულზე ფიქრმა,
მის შინაარსმა,
ეს გვაგრძობინა,
შეგვატყობინა;
ამას ყოველსა,
ვით სიმართლესა,
ვუძღვნით ყოველთა
კეთილ-მსურველთა.

შემოდგომა.

შემოდგომის დრო,
არის მეტ უფრო
მიწის ნაშრომთა,
მისი ნაყოფთა,
მოვლა კრეფისა,
კაცთა ზრუნვისა,
მოძრაობისა,
შეძინებისა.



მისა ტრაპეზთან
 ცხოველს-მყოფელთან
 ყოველი სული,
 გონით შემკული,
 თვისი ნებითა
 და შეგნებითა
 უნდა მოვიდეს,
 მტკიცედ დამკვიდრდეს...

აქ გვაგონდება,
 წინა გვიღვება,
 ქრისტეს იგავი,
 გულისა მწვავე,
 მის ქადაგება
 და ღარიგება,
 ოდესმე თქმულნი,
 მარად სულ-დგმულნი...

ეს არ არს ცოდვა,
 მიზნის დარღვევა;
 მიზანს ის არღვევს,
 ღირსებას ართმევს,
 ოდესა კაცი,
 ბუნებრ არ მხეცი,
 მხეცს ემსგავსება,
 ისე ბრმავდება..

ზამთარი.
 ოდეს ზამთარი,
 ეს დრო მყინვარი,
 მოივლინება
 და ესტუმრება
 გარე ბუნებას,
 მიწიერებას,
 იგი იძინებს,
 მითა ისვენებს.

თუ რომ ნებითა
 და შეგნებითა
 კაცი ცოცხალი,
 ქვეყნად მავალი,
 ხილულ საზრდოსა,
 ვით საჭიროსა,
 არა შეიკრებს,
 იგი ინანებს...

იგი ცხოველი,
 ყოვლის-მპყრობელი.
 მოვიდა ქვეყნად
 შესაგონებლად,
 რომ აქ ცხოვრება
 და გამდიდრება
 არს მიწიერი
 და წუთიერი.

კაცის სიბრმავე,
 ზნეურ სიღვე:
 მაშინ ცხადდება
 და იხატება,
 ოდესა კაცსა,
 ვითა უკვდავსა,
 თვისი ღირსება
 სულ ავიწვდება...

ძილი, სვენება
 და გაღვიძება
 შვენის ბუნებით,
 ღვთის დაწესებით,
 როგორც მცენარეს,
 დიდსა თუ მცირეს,
 ისე ცხოველთა,
 ვითა მშრომელთა.

ასე, გონება,
 მალალ შეგნება,
 კეთილი ნება,
 სარწმუნოება,
 კაცს აცოცხლებენ,
 ანეტარებენ
 როგორც ქვეყნადა,
 ისე ზენადა.

მისი სწავლითა
 ზეციერთა
 კაცის ბუნება,
 მისი არსება,
 არის ორგვარი,
 ღვთიურ შემდგარი,—
 ხორც-სულიერი,
 დიდ მშვენიერი.

იგი თვის სულისა,
 ზეცისთვის ქმნულსა,
 ტყუილად არჩევს,
 ამაოდ იწვევს
 მხოლოდ მაცდურზე
 ხრწნადის სუფრაზე:
 „გაქვს ბევრი რამე,
 იხარე ჭამე!“..

ზამთრის მოვლენა,
 მის წარმოდგენა,
 არის შედგეი,
 ბუნებრივ რიგი,
 თბილისა მზისა,
 დაშორებისა:
 მაშინ მის სხივნი,
 არიან ძვირნი.

მათი დაკარგვით,
 არა დაკრძალვით,
 როგორცა აქა,
 ეგრეთვე იქა,
 კაცს უმზადდება,
 არა ასცდება.
 ღვთის მრისხანება,
 ტანჯვა-ვაება...

ამისა გამო
 ჩვენ ზეგარდამო
 გვესმის ღვთისა ხმა,
 ვითარცა აღთქმა,
 რომ შეგნებითა,
 მოსაზრებითა,
 აქ ვიმუშაკოთ,
 ბუნება ვამკოთ,

ჩვენ მომაკვდავთა,
 ზე მიმავალთა,
 უნდა ვიცოდეთ,
 გულითა ვგრძნობდეთ:
 რაც ხორცსა უნდა,
 სულს ის არ უნდა:
 სულის საკმელი
 არის უხრწნელი:

გარდა ქვეყნისა
 მიწიერისა,
 გარდა ძილისა
 ხორციელისა,
 არის ცხოვრება
 და მოქმედება
 სულიერიცა,
 ზნეობრივიცა.

ის მართალია,
 კაცის ვალია,
 რომ მან იზრომოს,
 მულამ იმხნევოს,
 ცხოვრების პური,
 არსი მიწური,
 მან მოიპოვოს,
 მით ისაზრდოვოს.

ამის შეგნებას,
 ცნობა-გაგებას,
 შემოდგომის დრო
 მეტადრე უფრო
 ჩვენ გვიქადავებს,
 დედობრ გვარიგებს:
 ესა ვისმინოთ.
 სიმართლე ვიცნოთ...

ქრისტეს რწმუნებით,
 კეთილ-ზნეობით.
 სული იმკობა:
 შეგნება, გრძნობა
 მას უმალღდება,
 მითი მზადდება
 უკვდავებისთვის,
 ნეტარებითთვის.

ამ ცხოვრებაში,
 მოქმედებაში,
 ბილწ-ბოროტება
 და გაკერპება,
 უგრძნობელობა,
 შეუბოვრობა,
 ადგენენ ძილსა,—
 სულის სიკვდილსა:

ვინც არა ისმენს,
 არამედ იწყენს,
 კეთილ რჩევასა,
 დარიგებასა,
 გულით ხვეწნასა,
 ტკილად თხოვნასა,
 არს სიკერპეში,
 დიდ სიბნელეში.

იგი არს წიგნი;
 არის გვირგვინი
 ღვთისა სიბრძნისა,
 მის დიდებისა,
 არს სახარება,
 რომ კაცთ ბუნება
 არს უკეთესი,
 უძვირფასესი.

სრული ბუნება,
 ვით ღვთის ქმნილება,
 თვისი არსებით
 და მოქმედებით
 სიბრძნესა გვიდგენს,
 სწავლასა გვიჩენს,
 თუ რომ ვიფიქრებთ
 და მოვისაზრებთ.

მოხუც—ყმაწვილში,
 ყოველ თვის შვილში,
 ყველასა ეძებს,
 ზენად უთითებს...

ამ საქციელით,
 არ სასურველით,
 კაცისა გული
 შეწუხებული
 მეტად ცივდება
 და იყინება:
 გრძობს ჟრიანტელსა
 მწარედა მკვლელსა...

ამა ბუნებას,
 ვითა ასეთსა,
 შვენის შეგნება,
 ღვთისა რწმუნება,
 კეთილ-ზნეობა,
 არ თავხედობა:
 შვენის კეთილი,
 ცხოვრება ტკილი...

ბუნების გული,
 მადლისა სული,
 მუდმივ ხმას იღებს,
 ყველას აღვიძებს
 ზნეობა ძილისგან,
 ვით სიკვდილისგან.
 ეძებს მსმენელთა
 თანამგრძობელთა:

აქ არს მიზეზი,
 რომ ასპარეზი
 კაცთ ცხოვრებისა,
 მოქმედებისა,
 არს შესისხლოული
 და წაბილწული
 თავხედობითა
 და მხეცობითა...

კაცისა სული,
 გონით შემკული,
 მით ბოროტდება,
 ზნეობრივ კვდება,
 უგუნურდება,
 რომ თვით შორდება
 უფლისა მადლსა,
 ცხოველსა ძალსა.

ესა ცხოვრება,
 ვით ნეტარება,
 მოიპოვება,
 შეიძინება
 ღმერთისა ცნობით,
 კეთილ-ზნეობით:
 სხვა-გვარ სახსარი
 მისთვის არ არი.

ეძებს კერაზე,
 გლახაკ-მდიდარზე,
 სწავლის ტაძარში,
 ცოდნის საცავში,


მხოლოდ მსმენელნი
 და შემგნებელნი
 ასეთი ხმისა
 ზეციერისა
 იხილვენ ღმერთსა,
 თვის შემოქმედსა,
 ვითა მიზანსა
 ცხოვრებისასა...

თუ გაზაფხულზე
 ისევ იგი მზე
 არ დაბრუნდება,
 მით არ გათბება
 მყინვარი მხარე,
 მის არე-მარე.
 ყოველ სულდგმული
 იქნება კლული.

მეცნიერება,
 თუნდ ძლიერება,
 თუნდა სიმდიდრე,
 დიდი თუ მცირე,
 ამა სოფლისა,
 ვითა ხრწნადისა,
 იტოვებიან
 ცივ სამარესთან...

აგრეთვე სული,
 ცოდვით მოკლული,
 თუ არ იღვიძებს,
 არა შეიგნებს
 ღვთის განშორებას,
 მადლის მოკლებას,
 დარჩება მკვდარი,
 სნეობა მყინვარი...

ვინც ერიდება,
 ვინცა შორდება
 ღვთისა ცნობასა,
 ზენა გრძობასა,
 იგი ცივდება
 და იყინება
 როგორც ხორცითა,
 ისე სულითა.



მკვდრის ჩივთა.

(რუსულიდან).

ბაბილონის მეფის დიდის რამზეზის სასახლე
 მოკლული იყო სრულის მყურდროებით; კარის კაცე-
 ბი დახეტიალობდენ, უხმოდ როგორც აჩრდილნი.
 მეფე იწვა მძიმე ავადმყოფი. მისი სიცოცხლის
 დღენი ჩამოთვლილი იყო. სიკვდილის დღეს მოუწო-
 და თავის მემკვიდრეს მენეფტას და უთხრა: შვილო
 ჩემო, შენ მალე ახვალ ტახტზე და დაიჭერ ჩემს
 ადგილს; მძიმე არის ეს მემკვიდრეობა. ოხ! რა
 მწყინს რომ სიბრძნე ცხოვრებისა მომიახ-
 ლოვდა სიბერის დროს, მაშინ როდესაც
 მე არ ძალ მიძს მითი სარგებლობა. მიიღე ჩემგან
 ეს დარიგება: „ნუ წამბაძავ მე; მხოლოდ სახელი,

მტრებზე გამარჯვება, დამორჩილება სხვა ხალხთა და დაპყრობა სხვათა ადგილთა შეადგენდნენ ჩემი მეფობის უმთავრეს მიზანს; ყველა ამებს მე მივადწიე, მაგრამ რითი, როგორი სასყიდლით? მე დავანგრეე ასობით ქალაქები, ავაოხრე აყვავებული ქვეყნები, დავღუპე ასი ათასობით ჩემი და სხვის ჯარის კაცნი, ვაყენებდი სისხლის ღვარს და ცრემლთა ნაკადულს. მე მქებდნენ, მეგებებოდნენ აღტაცებულის ყვირილით, მაგრამ ახლა ყოველივე ესე სდუმს; ოხვრა დაქრილთა და ტყვეთა, მოთქმა დაობლებულთა ძლიერ ავიწროვებენ ჩემს ყურთა სმენას. ბრძოლით დამპყრობნი არიან უგნურნი. ხალხთა დამონებასა და ქვეყნებთა დაპყრობაში არ არის ქვეშაირიტი სახელი მეფისა. შენ ჩემო შვილო გეყოლება ურიცხვი მტერი შენს საკუთარ სამფლობელოში სიღარიბე ხალხისა, შიმშილი, ავთმყოფობანი, შვიწროება სუსტთა და უსამართლობა მძღაღრთა; დრო არის რათა გაუსწოროდე ამ მტრებს. ისე არაფრით არ ძალგიძს ისახელო თავი, როგორც მითი. თუ მშვიდის, ბრძნულის მართლ-მსაჯული მეფობით გააბედნიერებ შენს ქვეშევრდომთა. იცოდე შვილო, რომ მეფის მოქმედების მიზანს უნდა შეადგენდეს არა პირადი ქება დიდება, არამედ კეთილ დღეობა ხალხისა. შენ ჯერეთ ყმაწვილი ხარ; იყავი თავ-დაქერილი; ნუ მიენდობი მლიქვნელთა ტკბილსა სიტყვასა. მწარე წამალი ჰკურნავს სნეულთა, ხოლო სიტკბოება ღუბავს ჯან-მთელე ს. გახსოვდეს, რომ, ეხლა, როდესაც შენ ტატზე შედიხარ, კისერზე გაწვევს მძიმე უღელი სმსახურისა—რომ ამიერიდან შენ ხალხისათვის და არა ხალხი შენთვის. როდესაც საქირო იქნეს შენთვის რჩევა ვისიმე, მიმართე შენს ძველს აღმზრდელს, ბრძენ გიკოსს. ახლა-კი მშვიდობით! დღესა შენის ტახტზე ასვლისასა ზეცა იყოს შენი მლოცველი, ხოლო დღესა სიკვდილისასა ხალხი გლოცვიდეს შენ. მოკვდა რამზესი, რომელიც იქაური ჩვეულებისამებრ შემურეს წამლებით და დააყუდეს კატაკომბაში. ტახტზე ავიდა მენეფტა. ყველანი ელოდა, რომ ყმაწვილი მეფის ტახტზე ასვლას თან მოჰყვებოდა, ნადიმი, ბრწყინვალე დღესასწაულნი და მრავალ გვარი საჩუქრები კარის კაცთათვის, მაგრამ მოსტყუვდნენ. მეფე სრულიად გაიტაცა საქმეებმა: ესწრებოდა განზრახთა საკრებლოებს, იკვლევდა სჯულის კანონებს, ხშირად შა-

მოუვლიდა და ნახულობდა თავის სამფობელოს, გაჰყავდა ვეზები, იღებდა არხებს და სთხრიდა ქებს. ის შრომობდა განუწყვეტლივ და კარის-კაცთაც აიძულებდა ასრევე მოქცეულიყვნენ. ბევრს არ მოსწონდა მეფის ასეთი საქციელი და ხშირად ეუბნებებოდნენ მას: „მეფევე, უმჯობესი იქნება შენ დაისვენო და გაერთო; ოღონდ გვიბრძანე და ჩვენც მზადა ვართ გავმართოთ შენთვის ისეთი ნადიმი, რომ მისმა ბრწყინვალეობამ ქვეყანა გააცვიფროს, არა, უპასუხა მეფემ, როდესაც ბავშვები ავად, ან მწუხარებაში არიან, მამას არ ძალუძს მხიარულება. მეც არ შემიძლია მხიარულება სანამ ხალხშიდ სუფევს ათას-გვარი სამჭირნოება. გავიდა სამიოდე წელი, ყველგან გამეფდა მშვიდობა და მართლ-მსაჯულება; ხალხი გაიმართა წელში; ხელახლა გაშენდნენ სოფლები, გაფართოვდნენ ქალაქები; ყველას მხიარულება და კმაყოფილება ეტყობოდა სახეზე. და ყველანი სიყვარულით იხსენიებდა მეფეს. მხოლოდ სარდალნი და წარჩინებულნი იყვნენ უკმაყოფილონი და მოწყენილნი; რამზეზის დროს ისენი იყვნენ დიდს პატივსა და დიდებაში; ღებულობდნენ მეფისაგან ძვირფასს საჩუქრებს და ომიანობის დროს სარგებლობდნენ დიდძალი ნადავლით. ახლა-კი ისინი იყვნენ უყურადღებოთ, მათ მოსწყინდათ უსაქმოდ ყოფნა; მიმართეს მენეფტას, აგულიანებდნენ მას ომისათვის და აღტაცებულის ხმით ეუბნებოდნენ: „მეფევე, გაგვიში ომში; სამშობლო დიდს განსაცელში არის; ძალა მტერისა თან და თან იზრდება შენმა ძლიერმა მამამ შემუსრა ძალა მეზობელ ხალხთა; შენი მეფობის დროს კი მტრები ღონეს იძენენ. გვიან-ლა იქნება როდესაც მტერი სრულებით გაიმართება წელში და თითონ დაგვეცემა. თუ კი სამშობლობასთვის კეთილი გსურს, მეფევე, გაგვიში საომრად. ჩვენ ყველანი მზადა ვართ შენს სახელს შევსწიროთ ჩვენი სიცოცხლე; გვაჩვენე მეფევე, რომ შენს სიყმაწვილეს თან უერთდება გასაოცარი სიმამაცე. მოჰფინე მსოფლიოს დიდება შენის სახელისა; დეე ქვეყნის კიდემდე იყოს განთქმული სახელი დიდის მენეფტასი.

მოხიბლეს ყმაწვილი მეფის გული გაიძვერულმა სიტყვებმა; მათ, როგორც ტკბილმა სასმელმა დაათვრეს გონება მეფისა. მეფემ იწყა მზადება ომისთვის; ჰკრებავდნენ ჯარს, ამზადებდნენ სანოვაგებს და სქედავდნენ იარაღს. შესდგა მეურნეობა,

მცხოვრებთ ჩამოერთვათ ჰური და სხვა სანოვაგე, მკვლელებმა მიატოვეს გუთნის, ცელის და ნამგლის მზადება. მწუხარებით იქნევდა გიკოსი თავს და მოუთმენლად ელოდა იმ წუთს, როდესაც მეფე ჩამოაგდებდა მასთან ლაპარაკს, მაგრამ ვეღარ მოითმინა და უთხრა მეფეს: „ჩემო კეთილო მენეფტა — ნუ აჭყვები გაიძვერულ სიტყვათა, ნუ ეძიებ დიდებას მეზობლებისაგან, როდესაც შეგიძლია იგივე დიდება მოიპოვო შენს საკუთარს სახლში; დიდებული მას კი არ ეწოდება, რომელიც ჟღერს ხალხს, აოხრებს ყველასფერს, აყენებს სისხლის მორევს და ცრემლთა ნაკადულს; დიდებულია ის ვისაც ყველგან ეგებებიან უნაგარო სიყვარულით; ვისაც, როგორც მზეს, შეაქვს ხალხში სითბო, სინათლე, მხიარულება და კმაყოფილება. ნუ გეშინია შენ შენი მტრების: უკეთუ მათი ძალა ძლიერდება შენი ძლიერებაც ხომ არ სუსტდება. დრო არის მეფევ, რათა ხალხმა გადაადგოს ველური ჩვეულება; კბინოს და ჭამოს მეზობლები, და მასთან ვიფიქროთ, რომ მეზობლებიც ამასვე ფიქრობენ. დარწმუნებული იყავი ჩემო აღზრდილო, რომ სხვა მხარეების მცხოვრებთ, როგორც შენს ხალხს უნდათ ერთი რამ: მშვიდობიანი მუშაობა საქმეში. არ იმოქმედა გიკოსის ბრძნულმა დარიგებამ მენეფტოზე; ის იყო მოწამლული პირფერობით, გონება მისი გაჟღენთილი იყო ფიქრებით, რომ ის მთელ ქვეყანაზე გაითქვამს სახელს; რომ იმის ეტლის უკან რკინის ბორკილებით წავლენ ტყვედ ჩავარდნილი მეფენი და წარჩინებულნი და ეს დიდის დიდებით შებრძანდება სხვის სამფლობელოში. კარგად დაუკვირდი მეფევ, ვშიშობ თვითონ არ გაება ხიფათში; ბედი ომიანობის დროს ძნელი დასანდობია. „ნუ გეშინია ჩემო მოხუცებული გიკოს, მე ყველასფერი წინდა წინვე მოვსაზრე; მრავალ გზის ვკითხე ქურუმ-მკითხავეებს და ისენი მპირდებიან მტრებზე სრულ გამარჯვებას. საღვთო გველემშაპებმა როგორც ქურუმნი მარწმუნებენ, რავარც გაიგონეს სიტყვა „ომიანობა“ ვსწრაფლშენავარდეს თავიანთ აუზებში; საღვთო ყანჩი უნაგარიშოდ ყლაპავდა ბაყაყებს და ეს კი იმას ნიშნავს რომ მე უნაგარიშოდ ვაგვლეთავ მტერს; საღვთო კატები კი, რაც მე თითონ ვაგიგონე გულის მომწყვლელი ხმით გაჰკნაოდენ „მიაუ—მიაუ“ ე. ი. წადი ნელოა. ყველასფერი ეს, მეფევ, არის

გაიძვერობა და მზაკვრობა შენთა კარის-კაცთა დაფიქრდი და ნუ ჩქარობ. გველემშაპნი ყოველთვის ხტიან და სცურავენ წყალში. განსაკუთრებით მაშინ, როდესაც ელიან საქმელს; ყანჩი, როგორც შენ, თუ რამდენსამე დღეს დარჩა მშიერი—ხარბად დაუწყებს საქმელის ჭამას; რაც შეეხება კატას კი, მეც შენი უღირსი მონა ვკისრულობ ვაქნავო, თუ კი დაუწყებ მას წყნანად კულის სრესას. და მართო ეს ხომ არ არის, ვაწყვეტინა მენეფტამ. მე მოვიხმე მკიხავი. ის სცხრილავდა ფქვილს ცხრილით და მეუბნებოდა: როგორც ეს ფქვილი აქეთ იქით იფანტება, ისე ვაიფანტებიან შენი მტრებიო. ვაეცინა გიკოსს და უთხრა: დიდი ვერაგი და მატყუარა არის ეს შენი მკითხავი. ცხრილი თითონ არ ლაპარაკობს და მასთან შეგიძლია ილაპარაკო რაც გენებება, ის წინააღმდეგობას არ ვაგიწევს. თუ გსურს, მეფევ, მეც შევებრუნებ ცხრილს და გეტყვი: „ხედავ როგორ მიქრი-მოქროდა ფქვილი? ისე მიიღეწება შენი ჯარი ომის ველზედ. რას იტყვი შენ ამაზე? მასხარა ხარ შენ გიკოსო. ნუ თუ სტყუოდა ვარსკვლავთ-მრიცხველიც, რომელმაც ვარსკვლავებზე მიწინასწარმეტყველა მე სრული გამარჯვება. ისა სჯობია გიკოსო დაანებო თავი უბრალო ლაპარაკს და მოხვიდე ჩვენთან გამოსათხოვარ სადილზე. მწუხარებით ამოიხვნება გიკოსმა და სთქვა: ცხადია, მეფე დაუმონებია მლიქვნელთ და მე არ ძალ-მიძს გამოვიყვანო ის ამ მონობისაგან. იძულებული ვარ მივმართო მიცვალებულის რამზეზის დახმარებას. არ მინდოდა, მაგრამ ახლა უნდა გამოვავაშკარავო საიდუმლოება. „მეფევ, აქამდე შენ უჯეროდი ცხრილსა და ახლა ვაუგონე მიცვალებულსაცა. წავიდეთ მამიშენის საფლავთან“. — „მკვდრები არ ისმენენ და არ ლაპარაკობენ“, უბასუხა მენეფტამ, „ისენი არიან მუნჯები და ყრუნი. „მართალი არის, უბასუხა გიკოსმა, მაგრამ ასეთივე მუნჯნი და ყრუნი არიან ის შენი ცხრილი და ვარსკვლავებიც, შენ კი უჯეროდი მათ; თათბირობდი კატებთან, ყანჩთა და გველემშაპთან. მიიღე რჩევა მამისგანაც, დაუჯერა მეფემ გიკოსს ჩაეშვენ კატაკობაში; ახადეს სამი ოქროს სახურავი კუბოს, სადაც ფეხზე მდგომი განისვენებდა სხეული ფარაონ რამზეზისა. აღელდა მეფე,

ცრემლები თვალებზე მოადგა, ზაგრამ გასწორდა და ნელის ხმით წაიბუტბუტა: „შენ ხედავ გიკოსო, რომ მიცვალებული გაჩუმებულია? ჩვენ ტყუილად ვფიქრობ... მეფემ ველარ გაათავა. გიკოსი შეეხო მიცვალებულს ბეჭზე და მიცვალებულმა გამხმარი ხელი, რომელშიდაც ქალაღდის გრაგნილი ეჭირა წინ გაიწვიადა, თითქოს მენეფტას აძლევდა. „ნუ გეშინია, მეფევ, ამაგრებდა გიკოსი მენეფტას, მიცვალებული რჩევას გაძლევს, წაიკითხე“. მეფემ ჩაიხედა გრაგნილში და იქიდან ამოიკითხა:

ვერ დაინახავ მზესა ღრუბლებში

და ნურც იძიებ სიბრძნეს გაიძვერულსა სიტყვებში

შენ გსურს დაიპყრო მთელი ქვეყანა?

მეფეს მიელის მხოლო საფლავი.

გაჩსოვდეს რომ ჩვენ სულ ყველა

გარდავიქცევით ერთ მუჭა მტვრად

ჩვენს შემდეგ რჩება მხოლოდ კეთილი

და ის ინათებს ცეცხლისა ფერად.

ჩაფიქრდა მენეფტა. დიდხანს იღგა ის გრაგნილის წინ. მოაწია საღამომ; მზე ჩაესვენა. მეფე კი უძრავად იღგა კატაკომბაში. გვიან ღამით კი ჩუმად გამოვიდნენ გარედ. — „ხვალ, ჩემო ძვირფასო აღმზრდელი, გაუშვი ჯარი თავთავიანთ სახლში დაბრუნდეს ყველა“, ეუბნებოდა გამოთხოვების დროს მენეფტა გიკოსს. „სანამ ცოცხალვარ, ომი აღარ იქნება ჩემს სამეფოში“.

ბაბილონში ხელახლა გაისმა მხიარული სიმღერა; ხალხი მიეცა მშვიდობიან ცხოვრებას და მთელი ქვეყნიერობა აქებდა მშვიდობის მოყვარე მენეფტას.*)

მღვ. მინა მესხი.

*) ამ სტატიას სწორეთ დღეს აქვს მნიშვნელობა, როდესაც ავსტრია, ბოლგარია და სათათრეთი საომრად ემზადებიან და ამისათვის ებეჭდავთ.

რედ.

ახალი ამბები და შენიშვნები.

* * სახელმწიფო სათათბიროში შეტანილ ხარჯთაღრიცხვიდან სჩანს, თუ რამდენი უჯდება რუსეთს უმაღლეს მმართველთა შენახვა. მინისტრებში ყველაზე მეტს იღებს სტოლიპინი—26,000 მ. საერო განათლების მინისტრი იღებს 22,000 მ., დანარჩენი მინისტრები იღებენ 18,000 მ. თითო. მინისტრების ამხანაგები 10,000 მ. 13,000 მანეთამდე. უწმინდესი სინოდის ობერ-პრკურორი იღებს 26,740 მ., ხელმწიფის კანცელარიის მთავარმართველი—22,000 მ. ბევრი პროვინციელი აღმინისტრატორი მინისტრებზე მეტს იღებს. ყვლაზე მეტი კავკასის ნამესტნიკს ეძლევა—60,000 მ. გენერალ-გუბერნატორები იღებენ 12,000 მანეთიდან—38,000 მანეთამდე. ვარშავის გენერალ-გუბერნატორი იღებს 38,000 მ., მოსკოვისა 36,000 მ. ყველას ჩამოთვლა შეუძლებელია; ამას მთელი გაზეთის ფურცლებიც არ ეყოფა. თუ მივიღებთ მხედველობაში იმასაც, რომ ჯამგირების გარდა სხვა და სხვა „პოსობიებს და პრაგონებს“ იღებენ, გასაკვირველ რიცხვამდის მივალთ.

* * ვოლინის ეპარქიის სამღვდელთაგან ამ დღეებში გამოაქვეყნა მთავარ-ეპისკოპოსის ანტონის მიერ დამტკიცებული საეპარქიო კრების დადგენილება. სამღვდელთაგან კრება ამბობს: „ძალიან დაგვადონა იმ გარემოებამ, რომ სახელმწიფო სათათბიროში შეტანილ სინოდის თავისუფლების კანონ-პროექტს, როგორც ისმის, დებუტათა უმრავლესობა თანაუგრძნობს. მაშასადამე, მოსალოდნელია, რომ ფეხ-ქვეშ გასთელავენ იმ მართმადიდებელ რწმენას, რომელზედაც დამყარებულია ჩვენი მრავალ-ტანჯული სამშობლო“. კრებას დაუდგენია იშუამდგომლოს სინოდის წინაშე, რომ კანონ-პროექტი არ იქნას განხორციელებული. აწვე დაუდგენია სხვა საეპარქიო კრებებს. დასავლეთის განაპირა ადგილებში თანდათან იზრდება და ვითარდება კლერიკალიზმი. *)

*) როგორც სჩანს კლერიკალიზმის სიტყვის მნიშვნელობა სრულებით არ ესმის ამ სტატიის დამწერს. განა შეიძლება კლერიკალიზმობა დასწამოს იმ სამღვდელთაგან, რომელიც ყოველივე თავის მოქმედებას აფუძნებს იმპერატორის უჭაზე და თვითონ თავის ნებით ვერაფერს ვერ მოიმოქმედებს?

რედ.

*. ქალაქ პეტროპავლოსკში 10 სექტემბერს სამი შეიარაღებული თავდამცემი შევიდა თათრის მალაზიაში, სადაც მარტო ნოქარი დაჰხვდათ. თავდამცემებმა ნოქარს ფული მოსთხოვეს, მაგრამ ნოქარმა მოასწრო კარში გავარდნა და გარედან მალაზიის დაკეტვა. თავდამცემნი მაინც არ შეშინდნენ, გასტეხეს კასსა ამოიღეს 700 მ. და ფანჯრიდან გადავიდნენ. ქუჩაში მიმავალ ეტლიდან მეეტლე გადმოაგდეს, თვითონ ჩახსდნენ ეტლში და გაიქცნენ; გზაში მკვლეს ორი კაცი, რომელნიც ცდილობდნენ გაეჩერებინათ ეტლი. ამასობაში ბლომად ხალხი შეიკრიბა, ამოდენა ხალხი თავდამცემლებს გამოედევნა. თავდამცემლებმა ერთი თათარი კიდევ მოჰკლეს, რის შემდეგ გადმოხტნენ ეტლიდან და გაიქცნენ, მაგრამ ხალხი წაჰოეწია და სამივე დაიჭირა. ერთი თავდამცემთაგანი კეტებით მოჰკლეს, დანარჩენი ორი ცხენებს მიაბეს კულზე და იქნამდის აქენეს ცხენები, სანამ სულ ნაჭერ-ნაჭერ არ დაიგლიჯნენ. პოლიციამ ვერ შესძლო წინაღმდეგობა გაეწია. დაბარებული სალდათები მაშინ მივიდნენ, როცა საქმე გათავებული იყო.

* * პეტერბურგის აკადემიის პროფესორებს შემდეგი დაუდგენიათ: 1. აეკრძალოთ სტუდენტებს ლურჯი ფერის შარვლების ტარება; 2. დაევალოთ სტუდენტებს, რომ ყოველ წლივ წარუდგინოს აკადემიის მთავრობას სია იმ წიგნებისა, რომელთაც გამოიწერენ სტუდენტების სამკითხველოსთვის და შ. აკადემიის სამკითხველოდან განიღვენოს გაზეთები „ბირჟ. ვედ.“, „რეჩი“ და „ნოვ. რუს.“; ამათ მაგიერად გამოიწერენ სამკითხველოსთვის შავრაზმული გაზეთებს „რუსკ. ზნამია“, „ვეჩე“ და „ნოვ. ვრემ.“-ს.

* * დილის გაზეთებში მოთავსებულია შემდეგი განცხადება პეტერბურგის უნივერსიტეტის რექტორის მოადგილისა: „უნივერსიტეტის რექტორის მოადგილე ამით აცხადებს, რომ უნივერსიტეტის საბჭოს დადგენილებით და საუნივერსიტეტო წესდების მე-17 პარაგრაფის ძალით ლექციების კითხვა უნივერსიტეტში შეწყვეტილია“.

* * პეტერბურგში. ქალაქში 20 სექტემბრის შუადღის 12 საათიდან 21 სექტემბრის 12 საათამდის ხოლერით ავით გახდა 290 და გარდაიცვალა 146.

კერსა, კიევსა, კოსტრომასა, კრასნოიარსკსა, მინსკსა, ოდესასა, პენზასა, პოლტავასა, რიგასა, ჩერნიგოვსა, დონის-როსტოვსა, ტულასა ურალსკში და სხვაგან ხოლერა კვლავ მძვინვარებს.



სწავლა და მეცნიერება ქრისტიანობრივ სარწმუნოებასა და კეთილცნეობაზე.

წიგნი „რისხვთა“ *)

ქეშმარიტი წინასწარმეტყველი იყო ბალამი, ანუ მხოლოდ მოგვი და მისანი? ამ საკითხის შესახებ წმ. მამათა შეხედულობანი ორად განიყოფებიან; ზოგნი ბალამს სთვლიან წინასწარმეტყველად, ზოგნი კი უბრალო მოგვად. ბალამი იყო მსასოფ. ბელი იეგოვასი, ქეშმარიტი ღვთისა, ის წინასწარმეტყველებს მესიას მოსვლას, რაც შეუძლებელია ცრუ მოგვისაგან; მას წინასწარმეტყველად სთვლის პეტრე მოციქული, თვით ბალამი აქებს ებრაელებს მისთვის, რომ მათში არ არის მისნობა (23,23). ყველას გვაფიქრებინებს, რომ ბალამი იყო ერთი იმ პირთაგანი, რომელთაც ღმერთი აღადგენდა ხოლმე წარმართთა შორის თავის წმიდა სახელის სადიდებლად.

ებრაელნი დარჩნენ სატინში, ზოგი მათგანი წაიბილწა მოაბელ ქალებთან მრუშებით და ნაკერპავი მსხვერპლის ჭამით; უფალი განრისხდა ებრაელებზე; მოსემ დანიშნა მსაჯულები, რომლებსაც უნდა გამოერკვიათ, ვინ იმრუშა მადიამელებთან და დაესაჯნათ იგინი. როცა ხალხი სტიროდა კარვის წინ და ინანებდა ცოდვას მაშინ მივიდა ერთი კაცი, და მოუყვანა თავისს ძმებს მემრუშე ქალი მადიამელი; ფინეზ მღვდელი განრისხდა ამ გვარი ღვთის ბრძანების გმობით და მოკლა ისარით ეს კაციც და მადიამელი ქალიც. ღვთის რისხვა დასცხრა; ამ დღეს მოისრა 25 ათასი მემრუშე კაცი. (თ. 25).

შემდეგ ამისა, მოხდა აღრიცხვა ებრაელთა მისთვის, რომ გაენაწილებინათ აღთქმის ქვეყანა; აღმოჩნდა, რომ სულ იყო 601,730 მამაკაცი;

ლევიტონი ცალკე აღრიცხეს, ისინი სულ 23 ათასი გამოვიდნენ. (თ. 26).

როდესაც აღგენდენ საოჯახო სიებს, აღმოჩნდა ერთი ოჯახი, რომელიც შესდგებოდა მხოლოდ ხუთი ქალისგან; მათი მამა სალპადი მომკვდარიყო უდაბნოში და ვაჟი არ დარჩენოდა. ამ სალპადის ასულებმა ითხოვეს თავისი მამის ნაწილი ადგილი. ღვთის შთაგონებით, მოსემ მისცა მათ ადგილი მამის სახელზე; ამავე დროს გამოიცა კანონი მემკვიდრეობის შესახებ; თუ ვინმე უძეოდ მოკვდებოდა, მისი წილი ადგილ-მამული რჩებოდა ქალი-შვილებს, მხოლოდ იმ პირობით, რომ მისი შვილები ყოფილიყვნენ ღვთის-მამის სახელისანი. შემდეგ ამისა, ღმერთმა უბრძანა მოსეს მომზადებულიყო სიკვდილისათვის; ის უნდა ასულიყო ნაბავის მთაზე და იქიდან დაენახა აღქმის ქვეყანა; თანახმად მოსეს თხოვნისა, ღმერთმა უბრძანა მას დაეყენებინა თავის მაგივრად ისუ ძე ნავესი ხალხის წინამძღოლად. (თ. 27).

კვალად განმეორებულ იქმნენ კანონები ღვთისწაუღლების და აღთქმათა შესახებ (თთ. 28—30),

ღმერთმა უბრძანა მოსეს სიკვდილის წინ ერთი სამხედრო საქმე კიდევ შეესრულებინა—სამაგიერო გადაეხადნა მადიამელთათვის. მოსემ შეაგროვა ჯარი, რომელსაც თან გაყვა ფინეზ მღვდელი, ცნობილი ერთგულობით; ებრაელთა ჯარმა გასწყვიტა მადიამელთა მამაკაცი და მოკლა ხუთი მეფე მათი და ბადიამ ბოგუვიც. მოსესვე ბრძანებით გასწყვიტეს დედაკაცები, რომელთაც უწყოდნენ საწოლი მამაკაცისა, რადგანაც მათ ბალამის რჩევით აცთუნეს ებრაელნი; ხოლო ის დედაკაცები, რომლებამც არ უწყოდნენ საწოლი მამაკაცისა დასტოვეს ცოცხალნი. დანავლი, მოსეს რჩევით გაყვეს ორ ნაწილად. ერთი წილი მისცეს ომში ნამყოფებს, ერთი კიდევ შინ დარჩენილებს, რაოდენნიმე ნაწილი დანავლისა შესწირეს კარავს (თ. 31).

მადიამელთა დამარცხების შემდეგ, რუბენის და გადის ტომთა წარმომადგენლებმა სთხოვეს მოსეს მიეცა მათთვის საცხოვრებლად ებრაელთაგან უკვე დაჭერილი იორდანეს გამოღმა მდებარე ადგილები, რომლებიც შეადგენდნენ უწინ სეონ და ოგ მეფეთა სამფლობელოს. ამ ადგილებში იყო კარგი საბალახეები მოსემ აღუთქვა მათ თხოვნის

აღსრულება მხოლოდ იმ პირობით კი, რომ მათ ეშველნათ დანარჩენ ებრაელთათვის ქანაანის ქვეყნის დაპყრობა და მერე დაბრუნებულიყვნენ ამ ადგილებში; ამავე პირობით მიეცა მანასეს ნახევარ ტომს ბასანის ჩრდილოეთის ნაწილი (თ. 32).

შემდეგ (33) თავში ჩამოთვლილია უმთავრესი ადგილები საცა დაუსვენებიათ ებრაელებს ეგვიპტიდან გამოსვლის შემდეგ. ღმერთმა უბრძანა ებრაელთ მოესპოთ აღთქმის ქვეყანაში კერპები და მათი მსახურებაც, გაეყოთ ეს ქვეყანა წესიერად და საზღვრებიც უჩვენა. (33—34 თ.)

ლევიტელებს არ მისცემიათ რომელიმე საკუთარი ადგილი საცხოვრებლად, ისე როგორც სხვა ტომებს, რადგანაც მათ უნდა ეგდოთ ხალხის ზნეობა-სარწმუნოებისათვის ყური და ესწავლებინათ მისთვის სჯული ღვთისა, ამიტომ მათ მიეცათ საცხოვრებლად 48 ქალაქი ყველა ტომის ხვედრს ადგილებში; ქალაქებთან მათვე მიეცათ ერთად საძოვარი ადგილებიც საქონლისათვის. ორმოცდა რვა ქალაქიდან ექვსი ქალაქი სამი იორდანეს გაღმა და სამიც ქანაანის ქვეყანაში დანიშნულ იქმნენ შესაღტოფეველ, ანუ თავშესაფარ ქალაქებად. ამ ქალაქებში შეეძლოთ თავი შეეფარებინათ შურის მიძიებელ მდევართაგან უნებლიეთ მკვლელებს; რაკი უნებლიეთი მკვლელი კაცისა მოასწრებდა ამ ქალაქში თავის შეფარებას, მაშინ შურის მეძიებელს ნება აღარა ჰქონდა შეხებოდა მას. ამავე ქალაქში ინიშნებოდა გამოძიება მკვლელობისა. მკვლელს უნდა ეცხოვრნა ამ ქალაქში მღვდელთ მთავრის სიკვდილამდე, ხოლო მღვდელთ მთავრის სიკვდილის შემდეგ მას ნება ეძლეოდა გასულიყო ამ ქალაქიდან და მას ვერავინ შეეხებოდა. (თ. 33).

სალპადის ქალებმა, რომლებსაც მიეცათ თავისი მამის ხვედრი ადგილი, მოისურვეს გათხოვება. შეიკრიბნენ მანასიის ტომის წარმომადგენელნი და მოახსენეს მოსეს, რომ თუ სალპადის ქალები სხვა ტომისგან ვისმე მისთხოვდებოდნენ, მაშინ მათი მამული გადავიდოდა სხვა ტომის ხელში, მანასიის ტომს კი შეეუძლიებოდა ადგილი. ღმერთმა ბრძანა, რომ სალპადის ასულები და ყველა სხვა ქალებიც, რომლებსაც ძმები არა ჰყავდათ და რომლებიც თვითან იყვნენ მემკვიდრეებად უძრავი ქონებისა, უთუოდ მისთხოვებოდნენ თავისივე ტომის კაცს. ამიტომ სალპადის ასულები მისთხოვდნენ ბიძაშვილებს.

წიგნი მეორე სჯულისა.

მოსეს მეხუთე წიგნს ებრაულს დაბადებაში ეწოდება „ელლე ჰადებარიმ“ რაც ქართულად ნიშნავს: „ესე სიტყვანი“; ეს სახელი აღებულია წიგნის პირველი სიტყვებიდან. ბერძნული სახელი ამ წიგნის „დეტერონომიონ“ და აქედან ქართულად თარგმნილი „მეორე სჯულისა“ აღებულია წიგნის შინაარსიდან, საცა გამეორებულია ბევრი გამოსვლათა, ლევიტელთა და რიცხვთა წიგნებში მოხსენებული კანონები.

დრე და ადგილი ამ წიგნის დაწერისა აღნიშნულია მის პირველს მუხლებში; ეგვიპტიდან გამოსვლის შემდეგ მეორმოცე წლის მეტერთმეტე თვეში, იორდანის ნაპირას, მოაბელთა მინდორში დაიწერა ეს წიგნი. მიზეზი ამ წიგნის დაწერისა იყო ქანაანის ქვეყანაში შესვლის და მოსეს სიკვდილის მოახლოვება. რადგანაც ეგვიპტიდან გამოსული ებრაელნი სულყველანი დაიხოცნენ უდაბნოში გარდა ქალემ, ისუსი და მოსესი და ებრაელთა ახალმა თაობამ არ იცოდა ის ამბები, რომლებიც მოხდა უდაბნოში მოგზაურობის ჟამს, მოსემ საჭიროდ დაინახა ეამბნა მათთვის ყოველივე ეს.

წიგნი „მეორე სჯულისა“ განიყოფება ორ ნაწილად. პირველი ნაწილი შესდგება ოცდა ათი (1—30) თავისაგან და შეიცავს სინას მთაზე მიღებული კანონების განმეორებას და განმარტებას; მეორე ნაწილი შესდგება ოთხი თავისგან და შეიცავს იმ რჩევა დარიგებას და მოძღვრებას, რომლებიც მოსემ მისცა ებრაელთ სიკვდილის წინ. (31—34). უკანასკნელი ორი თავი ამ წიგნისა, როგორც ფიქრობენ, და წერილია ისუ ძისა ნავესი, როლო უკანასკნელი ოთხი მუხლ 34 თავისა ეკუთნის ან სამოელ წინასწარმეტყველს ან მღვდლთ-მთავარ ეზდრას.

ნაწილი პირველი. (1,6—30).

პირველი სიტყვა მოსესი (1,6—4,40), მოსე იხსენებს უმაწვილ ებრაელთ წინაშე იმას, თუ როგორ ებრძინა მათ სინას მთასთან ბანაკობის დროს წასვლა აღთქმის ქვეყანაში და იქ დამკვიდრება; მოხსენებულია ისიც, როგორ მოვიდნენ ებრაელნი კადეს-ბარნამდე, როგორ გაგზავნეს მხვერაგვები აღთქმის ქვეყნის გასასინჯად, როგორ თქვეს ებრაელებმა უარი იქ შესვლისა ამორეველთა ში-

შის გამო, თუნდაც კარგა იცოდნენ, რომ ღმერთი ყოველთვის იფარავდა მათ და როგორ უბრძანა მათ ღმერთმა უკან უდაბნოში დაბრუნება, (თ. 1). მოკლედ ეხება მოსე ოცდა თვრამეტი წლის მოგზაურობას უდაბნოში; ღმერთმა არ მისცა მათ ნება ეომნათ ესავის და ლოტის ჩამომავრობის ხალხთან; დაუმორჩილა მათ სეონ, მეფე ამორეველთა (თ. 2). მოიხსენა მოსემ ბასანის სამეფოს დაპყრობაც და ამ დაპყრობილ სამეფოების ადგილების განაწილებას რუბენის, გადის და მანასიის ნახევარ ტომის შორის; იხსენებს მოსე იმასაც, რომ ღმერთმა არ აღირსა მას შესვლა აღთქმულს ქვეყანაში და უბრძანა თავის მაგიერი კაცი ისუ, ძე ნავესი ამორჩია ურითა წინამძღოლად. (თ. 3).

მოსე არწმუნებს ერს, რომ მან მტკიცედ დაიცვას სჯული ღვთისაგან მოცემული მიტომ, რომ ეს სჯული არის „სიბრძნე და მეცნიერება“ ებრაელთა; ღვთისგან მიცემულს სჯულს ხალხმა არც არა უნდა მოუმატოსრა და არც არა დააკლოს-რა; არც ღვთის სასწაულებია დასაფიქვებელი. სჯულის მტკიცედ დაცვისთვის ებრაელთ მოვლით მადლი ღვთისა და წყალობა, ხოლო დარღვევისათვის—რისხვა და სასჯელი. (თ. 4).

მეორე სიტყვა მოსესი (თ. 5—26). მოსე უბრძანებს ებრაელთ შეისწავლონ ათი მცნება. ეს მცნებანი მოითხოვენ ერთი ღვთის რწმენას და მის სიყვარულს, მცნებები ებრაელებმა უნდა ასწავლონ შვილებს, დაიწერონ სახლის კარებზე, შეიბან ხელზე და აღასრულონ (თ. 6). მოსე უკრძალავს ებრაელებს ნათესაურს, რაიმე სხვა და სხვა-ფერ კავშირს ქანანელებთან; გარდა ამისა ებრაელებმა, შესვლისათანავე ქანაანის ქვეყანაში, უნდა დაანგრიონ იქაური სამსხვერპლოები; კურთხეულ და გამრავლებულ იქნება ერი ისრაილისა, თუ აღასრულებს ღვთის მცნებებს. (თ. 7); მოსე კვალად იხსენებს უდაბნოში ორმოცი წლის მოგზაურობას, საცა ღმერთი სასწაულებრივად აძლევდა მათ ყოველივესავე სარჩოს, ზრდიდა მათ მანანათი; ამიტომ როცა ქანაანის ქვეყანაში ებრაელთ ყველაფერი საკმარისად ექმნება, არ უნდა ეგონოს რომ ყოველივე ეს მათ მოიპოვეს თავისი ძალღონით და არ უნდა დაივიწყონ ღმერთი (თ. 8).

ებრაელნი ქანაანის ქვეყანაში დაიმორჩილებენ თავისზე უფრო ძლიერს ერებს, აიღებენ ძრიელ დამაგრებულ ადგილებს, მაგრამ მათ არ უნდა

იფიქრონ, რომ ღმერთი მათ გამარჯვებას ანიჭებს მათი სიმართლისათვის; არა, გამარჯვება ებრაელთა აიხსნება მხოლოდ ღვთის წყალობით და არა სხვით რითიმე. ბევრი ცოდვა ჩაიდინეს ებრაელებმა უღაბნოში მოგზაურობის დროს, ბევრჯერ განა-რისხეს უფალი, რისთვისაც მას სურდა სრულიად მოესპო ნათესავი ებრაელთა პირისაგან ქვეყნისა, მაგრამ, მოსეს მხურვალე ლოცვის და თხოვის გამო, ღმერთმა აღარ მოსპო ერი. (თ. 9).

გახსენა მოსემ ამბავი მეორე ქვის ფიცრების გაკეთებისა და ღვთის ტომის არჩევისა სამსახურებ-ლად უფლისა. (თ. 10). ღვთის სიყვარულის ჩასა-ნერგად ხალხის გულში და გასამტკიცებლად, მოსე მოაგონებთ მათ სასწაულებს, რომელნიც ჰქმნა ღმერთმან—ფარაოს დანთქმა, კორეს დათან და აბირონის დაღუპვა; აუხსნა ნაყოფიერება აღთქმის ქვეყნისა; ურიებს მოელით სჯულის დარღვევი-სათვის სასჯელი, აღსრულებისთვის—წყალობა. (თ. 11).

აღთქმის ქვეყანაში შესვლისათანავე, ებრაე-ლებს უნდა დაენგრიათ წარმართთა კერპები და სამლოცველო ადგილები—სერტყეები (ქალები) მუხები და სხვა; მათ უნდა სახელებიც კი გამოეც-ვალნათ ამ ადგილებისთვის. ქანაანის ქვეყანაში უნდა დაწესებულიყო ერთი რომელიმე ადგილი, სადაც მთელი ხალხი წელიწადში სამჯერ უნდა მოსულიყო სალოცავად და მსხვერპლის შესაწირავად. მსხვერპლის შეწირვა სხვა რომელიმე ადგილზე, გარდა ღვთისაგან დანიშნულისა არ შეიძლებოდა. თუ სამსხვერპლო ცხოველი დაიკვდოდა სხვა რომელსამე ქალაქში, მას არა ჰქონდა მნიშვნელობა მსხვერპლისა და მისი ხორცის ჰამა ყველას შეეძ-ლო. ერთი სალოცავი ადგილი დანიშნა ყველა ებრაელთათვის მიტომ, რომ ისინი არ დაქსაქსუ-ლიყვნენ და არ შეჩვიოდნენ კერპთ-მსახურებას. ამავე სალოცავ ადგილს უნდა მიეტანა ყველას ვგრე წოდებული შეკრე ათეუდი მთელი მოსავლი-დან; ეს მეორე ათეული დანიშნული იყო სალო-ცავად მისულთა საჭიროებისათვის და ქველის საქ-მეზე მოსახმარებლად. (თ. 12).

მოსე აბრთხილებს ებრაელებს ცრუ წინასწარ-მეტყველთაგან. მხოლოდ სასწაულთ მოქმედება არ არის უტყუარი ნიშანი ქვემარტი წინასწარმეტყ-ველობისა; ყურადღება უნდა მიექცეს ქადაგება-

მოდღვრებასაც. თუ რომელიმე კაცი იქმს სასწაუ-ლებს, მაგრამ ჰგმობს ღმერთს და ქადაგებს მისგან განდგომას, ის არ არის ქვემარტი წინასწარმეტყ-ველი და ამიტომ უნდა დაქოლილ იქმნეს ქვით. ასეთივე სასჯელი მოელის ქვემარტი ღვთისაგან მისი სჯულის მოღალატე კაცს და მთელს ქალაქსაც. (თ. 13).

ჩვეულებანი წარმართ ქანანელთა არ უნდა შეეთვისებინათ ებრაელებს, მაგ. მათ არ უნდა დაიქრან ტანი, ან გაიპარონ წარბები გლოვის ნიშნად; ხოლო თუ ათეულის მიტანა არ შეიძლე-ბა რაიმე მიზეზის გამო, მაშინ უნდა გაეყიდნა ათეული და ფულით სალოცავ ადგილზე ეყიდნა ყველაფერი, რაც საჭირო იყო სადღესასწაულოდ და ღვეტიტელთათვის. ეს იყო შეკრე ათეუდი. ეს მოჰქონდა ებრაელს სალოცველ ადგილს მხოლოდ ორი წლის განმავლობაში. მესამე წელს კი შეეძ-ლო თავის სახლში მიეწვია ღვეტიტელი, ქვრივ-ობლები, მწირი და იქ გადაეხადნა დღესასწაული. (თ. 14).

მეშვიდე, შაბათის წელიწადი იყო წელიწადი მიტევებისა და დასვენებისა. ამ წელიწადს მდიდ-რებს უნდა ევატიებინათ ღარიბ ებრაელთათვის ვალები; ამავე წელიწადს უნდა გაენთავისუფლები-ნათ მონები; ის მონა, რომელიც ემსახურა ბატონს ექვსი წელიწადი არ უნდა გასულიყო ბატონის სახლიდან ხელცარიელი; მას ეძლეოდა რაოდენიმე ნაწილი ბატონის ქონებიდან—ცხოველთაგან, პუ-რიდან და ღვინიდან. თუ მონა მოისურვებდა ბა-ტონთან დარჩენას, მაშინ ბატონს უნდა გაეხვრიტა მისთვის სადგისით ყური და მონა სიკვდილამდე რჩებოდა ბატონთან. გაიმეორა მოსემ კანონი პირმ-შოთა შეწირვის შესახებაც და მოემატა ის, რომ პირმშო ზროხა სულ არ უნდა ამუშაონ და ცხვა-რი არ გაკრიჰონ, რადგანაც ისინი ეკუთნიან ღმერთს, პირმშო ცხოველი უთუოდ სალოცველ ად-გილზე უნდა შეეწირათ ღვთისთვის. თუ პირმშო საქონელს ჰქონდა რაიმე ნაკლი, რომელიც უშ-ლის მას მსხვერპლად შეწირვას, მაშინ ის უნდა დაეკლათ სახლში და ეჭამათ. (თ. 15).

პასექის, ერგასეულის და ტალავრობის დღე-სასწაულთა შესახები კანონების გამეორების შემდეგ, მოსემ მისცა ურიებს კანონი მსაჯულთა შესახებ. ქანაანის ქვეყანაში შესვლის შემდეგ, ებრა-

ელებმა უნდა დაიყენონ მსაჯულნი და მწიგნობარნი ყველა ქალაქებში; ამ მსაჯულებმა უნდა გაარჩიონ ყოველი დავა ებრაელთა შორის სწორედ, მიუღდგომელად, უერთმოდ, რადგანაც ქრთამის დაყენის თვალნი ბრძენთანი და კარდაქცივნის სამართაჲნი. ამ მოსამართლეებმა ყური უნდა უგდონ, რომ ხალხმა არ უღალატოს ქეშმარიტს სჯულს (თ. 16). თუ შეიტყეს, რომ ვინმემ უღალატა სჯულს და მსახურებს ღმერთსა უცხოთა, მსაჯულებმა უნდა გამოიძიონ საქმე მოწმების გამოკითხვით და თუ ბრალდება დამტკიცდა, მაშინ დამნაშავე უნდა ჩააქვავონ. ძნელი და დიდი საქმის გარდასაწყვეტად უნდა მიმართონ უმაღლესს სამსჯავროს, რომელიც იქნება უმთავრეს ქალაქში და შესდგება მღვდელთ-მთავრის თავმჯდომარეობით მღვდელთა და ლევიტელთაგან. უმაღლესი სამსჯავროს გადაწყვეტილება საბოლოოა და ვინც მას არ დაემორჩილება სიკვდილით დაისჯება—უკეთუ ებრაელნი ოდესმე მოისურვებენ მეფის დადგენას, უნდა დააყენონ ის კაცი, რომელსაც უბძანებს ღმერთი. მეფე უთუოდ უნდა იყოს ებრაელთა ტომისა, და არა უცხო; ის ცხოვრებაში არ უნდა ბაძვიდეს წარმართთა მეფეებს, არ უნდა გააიმრავლოს ცოლები, ეტლები, სიმლიდრე. ხალხის მართვაში მეფე უნდა ხელმძღვანელობდეს ღვთისაგან მოცემული სჯულით, ამ სჯულს ბრძანებათაგან მან არ უნდა გადაუხვიოს არც მარჯვნივ და არც მარცხნივ. (თ. 17).

კვალად განიმეორა მოსემ კანონები ლევიტელთა შესახებ. მოსე აფრთხილებს ებრაელებს ცრუ წინასწარმეტყველთაგან, რომელნიც ქეშმარიტთაგან განირჩევიან სიტყვითაც და საქმითაც. წინასწარ ამბობს მოსე, რომ ღმერთი მოავლენს მის მსგავს წინასწარმეტყველს; ამ წინასწარმეტყველს ღმერთი მისცემს სიტყვათა თვისთა და ვინც არ იწამებს მას, დაისჯება,—ახალი აღთქმის საღვთო წერილის (საქმე მოც. 3,20—24; 7,37) და წმ. მამათა განმარტებით ეს მოსეს მსგავსი წინასწარმეტყველი არის იესო ქრისტე. მოსე იყო წინამძღოლი, წინასწარმეტყველი, სჯულის მდებელი

ძველი აღთქმისა, შუამდგომელი ღვთისა და კაცთა შორის, დაახლოვებული იეგოვასთან, იესო ქრისტე, მესია არის წინამძღოლი, წინასწარმეტყველი, სჯულმდებელი ახალი აღთქმისა, შუამდგომელი ღვთისა და კაცთა შორის, ღვთაებრივი ბუნებით—მხოლოდშობილი ძე ღვთისა, მოსემ გაანთავისუფლა ებრაელნი ეგვიპტის მონობისაგან და მოიყვანა აღთქმის ქვეყანამდე; იესომ თავისი მოძღვრებით, ცხოვრებით, სიკვდილით გაანთავისუფლა კაცობრიობა სულიერი ეგვიპტის მონობისგან და განუღო შესავალი აღთქმული ნეტარებისა. (თ. 18).

კვალად განიმეორა მოსემ კანონი შესაღობლველ ქალაქთა დანიშვნის შესახებ; მსაჯულები ვალდებული არიან თვალყური ადევნონ ადგილმალულების საზღვრების შეურყვევლად დაცვას. დამნაშავეს დასჯა შეიძლება ორი ან სამი მოწმის ჩვენებით; თუ გამოჩნდა, რომ მოწმე ცრუობს, მაშინ მას უნდა მიაგონ ის სასჯელი, რომელიც მან ზრახა მაყვისისათვის. (თ. 19).

საომრად გასვლის წინ მღვდელთ-მოძღვარმა უნდა გაამხნეოს მეომრები ღვთის იმედით და ძალით. სამხედრო ბეგრისაგან თავისუფალი არიან ის მეომრები, რომლებსაც ჯერ ახლად აქვთ აშენებული სახლი, ახლად შეურთავთ ცოლი, ახლად დაურგავთ ვენახი და ნაყოფი ჯერ არ მოუტრებიათ, აგრეთვე სუსტები და მშიშრები. ომის დაწყებამდე მოწინააღმდეგეს წინადადება უნდა მისცენ დამორჩილებაზე და თუ უარი მიიღეს მხოლოდ მაშინ უნდა დაიწყონ ომი და მოსრან ყველანი გარდა ქალებისა და ბავშვებისა. ომის დროს არ უნდა გააოხრონ ქალაქის მიდამოები და ნაყოფიერი ხეები. (თ. 20).